

易

通

周易正解卷之四

易通六

上元程廷祚著

下經

下

三三
坎上
巽下

困。而。知。有。天。德。則。取。之。左。右。逢。其。原。故。繼。之。以。井。
井。改。邑。不。改。井。无。喪。无。得。往。來。井。井。汔。至。亦。未。繙。井。
羸。其。瓶。凶。

井者生民之大用。終日灌輸。猶人之有性也。改邑
不改井。事物无定形。而吾之性常定也。无喪无得。

往來井井未發之中本无增減感物而動往來无窮而性自若其故所謂不改井者是也然性雖人所同具至于臨時不能自見其性而反以鹵莽滅裂甘于自棄者多矣故曰汔至亦未繙井羸其瓶

凶

傳曰巽乎水而上水井井養而不窮也改邑不改井乃以剛中也汔至亦未繙井未有功也羸其瓶是以凶也

物之情有塞則有通然塞者自塞之也通者自通

之也。井之用其大矣乎。井能以水養人而顧人所
以用之。巽乎水而上水。水非能自巽。人巽之也。非
能自上。人上之也。巽而上之而井之養于是乎不
窮。觀于此井之爲井。可識矣。何則。困而弗終于困。
天德也。井而不窮于井。亦天德也。非惟不窮。蓋亦
不變。改邑不改井。乃以剛中也。曾曰。剛中而受變。
于物哉。塞者自塞之。通者自通之。天德不自爲功。
取舍存乎其人而已。汔至而羸其瓶。非井之故也。
君子是以惡夫棄井也。

初六井泥不食舊井无禽

井泥不食在下而塞物所不用也。舊井无禽時過而廢人所不取也。禽之爲言取也。

傳曰井泥不食下也舊井无禽時舍也

釋經而言井雖有用之物若自處于汚下廢棄之地則失其用而不足以言井矣

九二井谷射鮒甕敝漏

谷者井中之水所自出也而僅注射于鮒可謂微矣以微有水之井而施以敝漏之甕其无所用亦

可知矣。

傳曰井谷射鮒无與也

无與猶言无用也

九三井渫不食爲我心惻可用汲王明並受其福

九三井非无水而停污不治莫爲人用有足悲者

按渫宜訓汚漢書云去卑辱與渫而登本朝六四言修井此又乃井之不修者義正相對舊說以渫

爲不停治汚有道除其舊則新自生汲之而已王

有汲井之任者也苟明于此其爲利豈不普哉之古

天下井田而已王者自明其德以新民故以王明爲言並者普也

井

三

傳曰井渫不食行惻也求王明受福也

三挾污穢之井而不能自治以非其位也。无其位而心惻則等于行道之嘆息矣。故曰行惻也。求王明思治之謂爾。

六四井甃无咎

甃者修井之外也。修其外則污穢不至于侵其內。而井之用得矣。何咎之有。

坎以在中者爲陷而四又交外卦故象爲井甃

傳曰井甃无咎修井也

九五井冽寒泉食

冽者氣之清而肅也。寒者清之至而不雜也。泉者井之源也。言五以純剛能清其源。至于一物之不雜也。故可得而食矣。

傳曰寒泉之食中正也

上六井收勿幕有孚元吉

收者井之用已成也。若從而幕之。將有所不達于外而失其用。惟使之曠然上達。則其源之清于內者。出之無窮。有孚而元吉矣。

傳曰元吉在上大成也

自三以下未成乎其爲井者也。四修其外矣。五正其內矣。故上六曰大成也。

繫辭傳云井德之地也。言德自此而出也。故先儒有謂此卦爲言盡性之事者。甚爲有理。又有依據大象主人君養民立論者。然言性功而王道在其中矣。

三
兌上 離下

井者盡性之事也。盡性者又當變通以趨時。故繼之以革。

革已日乃孚。元亨利貞悔亡。

革者除舊之義。已日乃孚。言舊雖可除而必待其

數之已盡則所革者合于理之當然而天下无所
疑矣。聖人重之故元亨而利于貞始亡其悔言革
之不易也。

離爲日內卦俱主未革已
日之象故外卦言有孚

傳曰革水火相息二女同居其志不相得曰革已日
乃孚革而信之文明以說大亨以正革而當其悔乃
亡天地革而四時成湯武革命順乎天而應乎人革
之時大矣哉

道不可改而事可改是以有革夫事之可改者爲
其未當也火在下而畏水之滅水在上而畏火之

克水火相息也

息猶滅也

離以麗物爲志兌以說物爲

志二女同居其志不相得也是皆所謂未當也而可勿革乎已日乃孚革而信之數未極而有更則天命未與也害未甚而思去則人心不服也且革之爲言謀其新也謂其舊之可厭也故必文明而後可以謀其新必說而後能去其所厭文明以說則大亨矣大亨而猶必以正者欲其无不當也夫不當而後有革可以革而不當乎革而當其悔乃亡革豈易言哉革而信必若天地之成四時也革

而當必若湯武之順天而應人也。革之時大矣哉。所謂大亨以正者是也。

初九鞏用黃牛之革。

初九方見可革之端。而遽有事焉。是不當干理而躁者也。鞏用黃牛。惟固守中順之道。以徐待其時之自至可矣。

傳曰鞏用黃牛。不可以有爲也。

六二已日乃革之。征吉无咎。

以六居二。所謂有中順之道。而能審慎于事理者。

也。然必已日而後革之。其存心重于改作如此。則

征吉而无咎矣。

已日乃革。但論其存心如此。非此時已可革也。

傳曰。已日革之行有嘉也。

行有嘉者。行而民莫不說也。

九三征凶。貞厲。革言三就。有孚。

九三剛不當位。征凶行而未必吉也。貞厲不能无咎也。以斯而遂革。可乎。誠能于其所當革者。博求其理而无不合。乃可以取信于天下。革言三就有孚。言革之難也。

傳曰革言三就又何之矣

又何之者言必至三就而後无所疑也。

九四悔亡有孚改命吉

九四時當革故悔亡德可說故有孚命者國家興廢存亡之命德衰則命當改而非我之德足以服乎天下之心未有不罹其凶咎者若九四而後吉可知也。

傳曰改命之吉信志也

信志者其不得已之志天下猶將見之也。

革至五而後成

故四猶以志言

九五大人虎變未占有孚

九五以非常之時行非常之事。虎變者革之至。未占有孚者孚之至。革愈大則孚愈大。雖出于天下之所可驚可畏而實則順天應人而行其所无事者也。革主革物而言變主自變而言變則革在其中矣

傳曰大人虎變其文炳也

五以剛德乘時其表裏明著于天下而絕无暗昧之私故曰其文炳也

上六君子豹變小人革面征凶居貞吉

上六主德明于上民志定于下革道已畢當安靜

以守其成之時也其或妄有更張必致凶敗而居

貞則吉革者聖人之所不得已也五言創業上言守成五湯武之

比上則太甲成王也

傳曰君子豹變其文蔚也小人革面順以從君也

蔚者制作之可觀也

䷰ 巽下離上

盡其性而時措之則可以勝天下之重故繼之以

鼎

鼎元吉亨

吉字衍

鼎者養人之器。君子正其位以養天下。若持鼎然。能上承天德。巽順而文明。則創業垂統而所爲无弗遂也。

傳曰鼎象也以木巽火烹飪也。聖人亨以享上帝而大亨以養聖賢。巽而耳目聰明。柔進而上行。得中而應乎剛。是以元亨。

耳目聰三字疑衍

卦以鼎名象其器也。下巽上離以木巽火烹飪之。

象也。夫鼎之爲器而豈微哉。鼎者天下也。惟聖人
得而執之。上帝物之主。亨以享上帝。故四時和而
百物生也。聖賢物之命。大亨以養聖賢。故刑政修
而德教行也。有是鼎而必上及于上帝。下及于天
下之聖賢。何也。鼎者重器。非我之所得而私有。是
鼎而不能與天下共之。則爭端起矣。大亂之道也。
當此者。舍天德。何以哉。所謂天德。剛是也。巽而明
巽。順以從天德。鼎之體所以立也。柔進而上行。得
中而應乎剛。巽順于下。附麗于上。適得乎剛之正。

位而鼎之在我有其本也是以元亨不然而有是

鼎雖欲亨得乎

初六鼎顛趾利出否得妾以其子无咎

鼎之初顛趾而出其否除舊所以布新也舊盡于

上而新生于下故雖崛起側陋而其德足以續承

大統何咎之有鼎居革後如湯武之繼夏商起自

室也顛而側之故為得妾之象

傳曰鼎顛趾未悖也利出否以從貴也

鼎不宜顛其趾然在初而有出否之用故曰未悖

也。去故而納新。有以柔從剛之美。故曰以從貴也。以柔從剛。巽之本體然也。

九二鼎有實。我仇有疾。不我能卽吉。

夫有其鼎者。有其寶者也。鼎者大器。人之所爭。我有是鼎。則天下之我仇我疾者。不少矣。惟能以德守器。而鼎之實在我。使天下不疑其假竊。而皆安于无所爭。吉之道也。

傳曰。鼎有寶。慎所之也。我仇有疾。終无尤也。

之者所向之意。慎所之言。有鼎者不可以不擇術。

也能慎其所之則仇不能卽而終无尤矣

九三鼎耳革其行塞雉膏不食方雨虧悔終吉

方雨虧宜

句

九三失位之剛巽極而躁廢聽善之具

鼎耳革

阻公

正之階

塞共行

見至道而弗知其美

雉膏不食

擁膏澤而

不被于物

方雨虧

以此持天下之大器而自以爲无

害可乎然處羣剛之間一旦憬然以覺迷誤忽開

而終邀其吉者則時有矣

傳曰鼎耳革失其義也

耳者內外之交。无耳則鼎不可行。有鼎而无鼎矣。故曰失其義也。

九四鼎折足。覆公餗。其形渥凶。

九四亦失位之剛。德不足以自立。離卦取柔附剛而剛无所附

而驟當大任。以及于凶禍。故為折足覆餗之象。其形渥言殘穢之狀。不可令天下見也。三為內卦之終尚遠于耳

故為鼎耳革四處外卦之下復遠于足故為鼎折足

傳曰覆公餗信如何也

信如何者言鼎所以載餗。今而覆之。不足以取信。

于天下矣。

六五鼎黃耳金鉉利貞

舉天下者心猶鼎之有耳也。治心者道猶耳之有鉉也。黃耳而金鉉言能虛心以聽于道則可以勝天下之重任矣。利貞者欲其固守而弗失也。

傳曰鼎黃耳中以爲實也

中天德也黃其耳而以受鉉將實有是天德矣。

上九鼎玉鉉大吉无不利


鉉所以制鼎之輕重者鉉而以玉是以盛德而居。

天位調元化萬物于是乎斟酌飽滿此鼎之成也
故大吉无不利

傳曰玉鉉在上剛柔節也

剛柔節者柔受節于剛則柔不過剛以節柔則剛
亦不過此所以爲玉鉉也

井喻性鼎喻天下舊解以井爲養民以鼎爲養
賢俱失之井傳曰井養而不窮未嘗言養民也
鼎傳雖曰養聖賢又何嘗不曰享上帝乎



震上
震下

御天下者莫先于慎其心之所動故繼之以震

震亨震來虩虩笑言啞啞震驚百里不喪匕鬯

震動也動而知有恐懼故亨震來虩虩恐懼之生

于心也笑言啞啞恐懼之形于外也啞啞蓋欬此

震之所以亨也又言人之動其心初不待于有其

事百里至遠匕鬯至近能豫備于至遠則至近而

不喪其所守矣

傳曰震亨震來虩虩恐致福也笑言啞啞後有則也

震驚百里驚遠而懼邇也出舉正有不喪匕鬯一句疑出字即鬯字之譌而

上又脫不喪七三字不可以守宗廟社稷以爲祭主也

震初受體于乾而主動心之動也。或以天或以人動以天者謂之道心動以人者謂之人心。君子觀震之亨而知道心之動不可已也。心之知所恐懼者其道心乎。知所恐懼則心之所存不陷于人欲之危。故曰震來虩虩恐致福也。知所恐懼則身之所發无敗禮敗度之愆。故曰笑言啞啞後有則也。至于人之存心豈待于患之已至害之已及乎。震驚百里危在于至遠而懼形于至邇者也。故能不喪其所執可以守宗廟社稷以爲祭主而終獲其

福矣。故人之有心。不可不善其動也。善其動者。欲其无之。而非戒慎也。震之爲道。其微矣乎。

初九震來虩虩。後笑言啞啞。吉。

一陽初生。爲萬物萌動之始。宜以戒慎。生其心。震來虩虩。後笑言啞啞。約束浮動。以與天德相出入。則无往而不得其道矣。不亦吉乎。

傳曰。震來虩虩。恐致福也。笑言啞啞。後有則也。

六二震來厲。億喪貝。躋于九陵。勿逐。七日得。剛之動。道心也。柔之動。人心也。震來厲。所謂人心。

惟危也。故大喪其所至重。億喪而輕犯其所至險。

躋于九陵皆謂危也。然動而危。不動則不危矣。故曰勿

逐。七日得者言既能安靜。自不久而得其道心也。

億喪具不見剛之象。躋于九陵上于剛之象。

傳曰震來厲乘剛也。

乘剛者言二動于剛之上。而不知有剛也。

六三震蘇蘇震行无眚。

蘇蘇動之微也。知有陽德而不能從也。然所患在

不能行。能行而豈有眚乎。

傳曰震蘇蘇位不當也

三劣弱而不能動乎天德。位不當者。猶言不勝其任也。

九四震遂泥

四雖陽德。而處羣陰之間。不能自奮。曰震遂泥。其无能爲可知矣。

傳曰震遂泥未光也

六五震往來厲億无喪有事

五動于天人之介。往而出于危者有之。來而入于

危者亦有之。故曰往來厲。然其所處正在于高明之地。不至以人心汨其道心。而大喪其所有事也。傳曰震往來厲。危行也。其事在中。大无喪也。危人心也。中道心也。其事在中者。謂其事不出于中。而後能善所動也。

上六震索索。視矍矍。征凶。震不于其躬。于其鄰。无咎。

婚媾有言。

翼傳婚媾有言作衍交

柔居最上。人心之動已極。反而求其道心。則不可得。所謂索索矍矍也。行而不止。能无凶乎。使能借。

鑒于物。引彼之危。以爲己戒。而不待其事之及身。乃可以无咎矣。婚媾有言。先事之謀。衆人固不識也。

傳曰。震索索中未得也。雖凶无咎。畏鄰戒也。畏鄰而有戒。則道心卽此而在矣。

三三
艮下
艮上

有所動者。不可不止于天。則故繼之以艮。

艮其背。不獲其身。行其庭。不見其人。无咎。

艮止也。學之所以成始而成終也。然所止者神明。

之樞要。不可以迹象求。不可以虛无執。故艮其背。不獲其身。止而不見。有我。也是以不偏于止也。行其庭。不見其人行。而不見有物。也是以不偏于行也。行止惟在于天德。則无偏枯執一之害。而免于咎矣。

傳曰。艮止也。時止則止。時行則行。動靜不失其時。其道光明。艮其止。此止字晁氏謂宜作背止其所也。上下敵應不

相與也。是以不獲其身。行其庭不見其人。无咎也。

天德之在我也。知其所動。又當知其所止。艮者止

也。不知其所動。无以制人。欲之。危險。不知其所止。
无。以。見。天。則。之。不。可。過。時。者。天。之。則。也。易。之。道。无。
往。而。非。時。而。獨。艮。言。之。何。也。非。時。不。足。以。言。艮。非。
艮。不。足。以。立。乎。其。時。也。夫。艮。豈。易。言。哉。時。止。而。不。
止。偏。于。動。時。行。而。不。行。偏。于。靜。皆。以。物。蔽。其。天。者。
也。時。止。則。止。時。行。則。行。豈。物。之。所。能。蔽。乎。故。曰。動。
靜。不。失。其。時。其。道。光。明。光。明。天。德。也。經。曰。艮。其。背。
言。止。其。所。也。所。不。一。所。止。則。无。異。也。上。下。敵。應。不。
相。與。者。謂。內。止。而。外。亦。止。以。止。爲。用。而。不。以。相。與。

爲用也。凡八純卦皆謂之上下敵應然兩健兩順之類則有相與之義而兩艮之止獨不相與。不獲其身止固止也行其庭不見其人行亦止也。迹混而天見是以无咎也。

初六艮其趾无咎利永貞

艮其趾者柔而在下不宜妄行以止爲貴則无咎。然能終于止乃爲不失其正故曰利永貞。

傳曰艮其趾未失正也

六二艮其腓不拯其隨其心不快

腓者足之隨也。足欲行則腓不能獨止。六二止于

非。所。當。止。之。地。動。被。牽。引。而。无。以。自。救。不拯求心

之。快。得。乎。艮以形體取象則二屬腓非艮之佳者也

傳曰不拯其隨未退聽也

未退聽者二未能自退以聽剛之止也

九三艮其限列其夤厲薰心

九三剛而失位阻于羣陰誤生畛域畫而守之厲

薰心者以偏塞之見蔽光明之德而不足以爲止

也

傳曰艮其限危薰心也

六四艮其身无咎

身爲事物之主。吉凶悔吝之所自出也。能慎守之。而勿動以妄。可以无咎。然此柔也。使以剛德處此。則艮其背矣。而猶知有身乎。

傳曰艮其身止諸躬也

六五艮其輔言有序悔亡

按集解有序作有孚亦是

輔者言所由宣出好興戎于是乎在艮其輔者非箱口而已也。使其言一本于道而不妄發則悔无由而生矣。

傳曰艮其輔以中正也

正字蓋止字之誤中正宜作止中以韻叶之可見

言者心德出入之門溢于外則不能固其中故曰艮其輔以止中也

上九敦艮吉

上九爲艮之主。敦艮者所謂止于至善也。凡人于其所止。或能免于初中。而上永貞其度而不失。則終始惟一。而天德在我矣。吉何如乎。

傳曰敦艮之吉以厚終也

以天德居艮之上。則其所積者不可量矣。故曰以

厚終也

艮之爲止其義有二一則止其所當止也一則止其所止而不遷也而意亦一貫惟止其所當止而不遷是以謂之止也至于止雖一定不易之名而實有萬變不測之用蓋卽唐帝之所謂執中而子思之所謂時中也故象辭兼行止言之而傳則曰動靜不失其時蓋非物我兩忘則有膠于一偏之弊而流于子莫之執中矣程傳以孔子仕止久速皆當其可當之最爲確切朱子所論義理未爲不精然象辭四句一言靜則不見有我一言動則不見有物蓋靜而非時止時則不能動動而見有物則不能靜皆非時止時行之義而有累于艮者也觀象辭傳所釋自明如朱子之言于不獲其身尚遠又何以爲不見其人乎以此知訓經之確與未確不在談理之精也

䷵ 艮下
䷵ 巽上

知其所止。則進而有序。故繼之以漸。

漸女歸吉利貞

漸進之有序也。女子之歸也。一禮不具。不可以行。
進而有序者。似之則合于道。故曰女歸吉利貞者。
欲其止而順乎剛也。

傳曰漸之進也。女歸吉也。進得位。往有功也。進以正。
可以正邦也。其位剛得中也。止而巽動不窮也。
漸之爲卦。下艮而上巽。艮以定其分。故不躁。巽以。

順其理。故不妄。女子之歸。无苟合之羞者。漸也。故
漸之爲進。如女歸而後吉也。進得位。進以漸也。進
不以漸。則失身。失身則失位。失位則无功。故曰。進
得位。往有功也。進不以漸。則身不正。身不正。則不
能正人。故曰。進以正。可以正邦也。所謂位者。剛之
得中是也。天下之至正者也。內止而外順乎剛。故
无往而不得其正。止而巽動不窮也。動不窮者。終
不失其序也。漸之爲道。豈不貴乎。

初六鴻漸于干。小子厲有言无咎。

鴻漸于干。鴻方次于水厓。進而有待也。如未成人
之小子。人之自幼而壯。漸也。危而未安。不見信而
有言。所不免矣。然能不失其所止。以待時。則无咎。
傳曰。小子之厲。義无咎也。

小子雖不能進。而无驟進之心。故曰義无咎也。

六二鴻漸于磐。飲食衎衎吉。

六二進而得地。安于磐石。安其身者。所以安人。能
安人。則所以自奉者。益无所媿。吉之道也。

傳曰。飲食衎衎。不素飽也。

九三鴻漸于陸夫征不復婦孕不育凶利禦寇
鴻漸于陸剛失位而自用夫征不復往而不能反
以已所行爲是也婦孕不育執而不能化以已所見爲是也其乖
于時措之宜如此不亦凶乎利禦寇寇非自外至
也我之執一而賊道者是也有以禦之則天德可
見而漸進之道可識矣

傳曰夫征不復離羣醜也婦孕不育失其道也利用
禦寇順相保也

離羣醜也

猶言離羣
獨遊也

失其道也皆謂所止之不當

于理也。欲救其敗。惟宜順乎天德。以自守而已。

六四鴻漸于木。或得其桷。无咎。

鴻漸于木。漸進而高也。或得其桷。能得其剛大者。

謂五也。而順從之。則免于隕越而无咎。

傳曰。或得其桷。順以巽也。

四之于剛。動而不違。守而不失。故曰順以巽也。其所進之善可知矣。

九五鴻漸于陵。婦三歲不孕。終莫之勝吉。

鴻漸于陵。高位人所同欲。能以道自治。而患得之。

意久而不萌于心。

婦三歲不孕

外誘之來亦終不能奪

吾之所好焉。則其進必以序而德之足以稱夫位也明矣。吉不亦宜乎。

傳曰終莫之勝吉得所願也。

得所願者剛而得中也。

願猶中以行願之願

上九鴻漸于陸。

作達

其羽可用爲儀吉。

達路之至通達者謂天衢也。上九進于至高。不爲人用而身不違。則天下仰之。故曰其羽可用爲儀。

吉。

傳曰其羽可用爲儀吉不可亂也

不可亂者終不失其序也

三三
兌下
震上

進以其序然後所歸得其正故繼之以歸妹

歸妹征凶无攸利

歸妹者歸其少女于人也。有欲動情勝而躁等干。進之意焉。故征凶而无攸利。

傳曰歸妹天地之大義也。天地不交而萬物不興。歸妹人之終始也。說以動所歸妹也。征凶位不當也。无

攸利柔乘剛也

人之情欲莫甚于男女。發乎情而止乎禮義者。漸也。歸妹則以情勝矣。以情勝者。不亦徇末而忘其本乎。夫歸妹者。天地之大義。人之終始。不可不知也。卦下兌而上震。說于內而動乎外者也。有所說而輒動者也。說與動皆人情。知天地之大義。則說與動无徃而苟矣。不知天地之大義。則說與動无徃而不苟矣。歸妹以情勝者也。无徃而不苟。可乎。少而從長。是位不當也。說而主動。是柔乘剛也。征

凶无攸利。君子非惡歸妹也。惡歸妹而失其正者。
初九歸妹以娣。跛能履。征吉。

初在下而歸妹。其以娣者。乃嫁娶之常道也。跛能
履。以賤承貴。賤娣也。貴君也。踐迹而後敢前。則行雖不正。
而无顛仆之慮。故征吉。

傳曰。歸妹以娣。以恒也。跛能履。吉相承也。

九二眇能視。利幽人之貞。

眇能視。視之邪。而明有不足者也。利幽人之貞。以
不妄用其視爲正。則无惡乎眇矣。幽人處乎內而不見外之象。

傳曰利幽人之貞未變常也

六三歸妹以須反歸以娣

須先儒以爲女之賤者是也六三說之至而不擇所爲始焉甘出于極賤而弗恤繼知其不可而反歸以娣則猶愈于失身之甚者

傳曰歸妹以須未當也

九四歸妹愆期遲歸有時

九四雖居動體有說于內而剛德足以自持故寧至于愆期而必待其時不欲失其正也

傳曰愆期之志有待而行也

愆期之志志不苟也。

六五帝乙歸妹其君之袂不如其娣之袂良月幾望
吉

六五忘帝女之貴而薄其飾。月幾望德之明盛。可
以化天下也。吉何如乎。

傳曰帝乙歸妹不如其娣之袂良也其位在中以貴
行也

其位在中以貴行者謂不惟其位而惟其德也。

上六女承筐无實士刲羊无血无攸利

時過而妄動。士女本无交接之誠。而求歡合。何利之有。

傳曰上六无實承虛筐也

歸妹與漸反對者。漸動于禮。歸妹動于情。于禮者无弊。于情者其弊不可勝言矣。傳一則曰天地之大義。則曰人之終始。所以深明人倫之重。而欲動情勝之。不可也。說也。卦體不可謂之不正。而此卦說與動合。且內說而外動。則以說為主。而不得謂之皆正矣。以少從長。曰位不當。以說主動。曰柔乘剛。有此二者。故彖辭直斷之曰征凶无攸利。而无他說矣。

三三
離下
震上

能受物之歸則大故繼之以豐

豐亨王假之勿憂宜日中

豐盛滿之意故亨王假之非王不足以爲豐也豐則大小遠近錯出而有不能徧覩之慮然勿憂也宜如日之方中極其豐者極其明而已

傳曰豐大也明以動故豐王假之尙大也勿憂宜日中宜照天下也日中則昃月盈則食天地盈虛與時消息而況于人乎況于鬼神乎

豐之爲卦明以動明我與物相見者也動明之盛

而致物之應者也。明而不足以動，則其明未盛。而物之應不可必。是豈所謂豐者乎？經曰：王假之王者，之德能明以動故也。明德不替，則天命未改。經曰：勿憂。宜日中。言有是豐者，能不失其明以動，則可也。雖然，豈易言哉？豐物之極者也。明極必晦，動極必止。豐物之極者也。豈人之所能爲乎？日中則昃，月盈則食。天地盈虛，與時消息，而人與鬼神可知矣。憂之誠是也。憂之而益修其明德，則可也。初九遇其配主，雖旬无咎，往有尚。

配主者物之方來而主合于我也。物來合宜照之以明。當此之時。雖極其明而无咎。旬者日數之極也。往有尚自是而可以至于豐矣。

傳曰。雖旬无咎。過旬災也。

經曰。旬者謂明之徧照也。天下方合于我。而吾之明未能徧照。則不能使人各得其所。欲而豐之爲豐。未可知矣。然所謂徧照。實非有加于明之外也。儻逞私意。而有加于明之外。則物或疑其欺已。而皆將有所不能安。而豐之爲豐。亦未可知矣。故曰。

雖旬无咎過旬災也。

六二豐其蔀日中見斗往得疑疾有孚發若吉

六二不。欲。以。明。自。見。而。厚。自。掩。蓋。合。于。君。子。之。用。晦。然。非。豐。之。時。所。宜。也。一。于。此。以。行。之。欲。天。下。之。勿。疑。得。乎。二。之。居。中。有。孚。固。自。若。也。苟。能。發。之。以。誠。生。明。而。收。動。物。之。效。則。无。往。而。不。吉。矣。

傳曰有孚發若信以發志也

信以發志言志有所發則本于誠也。

九三豐其沛日中見沬折其右肱无咎

九三。明。衰。而。暗。盛。日。中。見。沬。僅。有。微。明。也。夫。微。明。難。以。及。物。則。惟。自。安。于。无。用。折其右肱而與時休息。庶免于咎。

傳曰。豐其沛。不可大事也。折其右肱。終不可用也。不可大事者。明不足以遠也。終不可用者。終不可出而妄用也。

九四。豐其蔀。日中見斗。遇其夷主。吉。

九四。爲物所蔽。上有二陰。不明而暗。斯時而遇。破我之暗。發我之明者。則吉。夷主者。主于傷我者也。傷我。

者。益我者也。

傳曰豐其蔀。位不當也。日中見斗。幽不明也。遇其夷。

主吉行也。

舉正行字
上有志字

位不當者。四本剛德而蔽于柔也。能自奮以去其
所蔽。則合乎動體之正。故曰志行也。

六五來章。有慶譽吉。

六五柔中。已雖不足于明。而能致天下之明。以爲
我用。故曰來章如此。則萬物皆樂于相見。故福至
身安。有慶譽而吉矣。

傳曰六五之吉有慶也

上六豐其屋蔀其家闔其戶閤其無人三歲不覿凶
上六峻其城府匿其情形示天下以不可測自以
爲高明而不知窮大失居爲人神之所共惡凶亦
至矣。

傳曰豐其屋天際翔也闔其戶閤其無人自藏也
高則翔于天際深則藏于无形皆言好動而自矜
其明之甚所謂過旬災也

三三艮下
離上

豐則盈矣。盈之至而失其所託。故繼之以旅。

旅小亨旅貞吉

旅者寄託之意。能寄託乎陽德。故小亨能不失其正。故吉。

傳曰。旅小亨柔得中乎外而順乎剛。止而麗乎明。是以小亨旅貞吉也。旅之時義大矣哉。

豐以其明及天下。旅則借明于物矣。豐能動。旅則止矣。旅之窮也。雖然。有天德在人而不知其所託。可乎。經曰。小亨旅未嘗无亨也。經曰。貞吉旅未嘗

不吉也。離之中爻得中乎外而順乎剛。剛雖未爲我有。猶爲我有也。艮止于內。不妄動而麗乎明明。雖未爲我用。猶爲我用也。順乎剛則亨。麗乎明明則正是以旅。小亨旅貞吉也。剛也明也。皆天德也。旅而託乎物。不若託乎天德。旅之時義豈不大哉。

初六旅瑣瑣斯其所取災

初六甘居下流。无復高明正大之志。惟以卑汚苟賤爲可託。是自取災旣矣。

傳曰旅瑣瑣志窮災也

窮者猶窮理之窮言初之瑣瑣其志在與災旤相尋而已。

六二旅卽次懷其資得童僕貞

旅卽次言不動也懷其資言不用也其不動不用惟欲託乎剛德而止得童僕貞童僕託于人而止者也。

傳曰得童僕貞終无尤也

九三旅焚其次喪其童僕貞厲

九三剛不當位无所容而强欲止焉故于所次則

焚于所託則喪其危甚矣。卦中三陽爻皆不吉蓋
而剛无所順故
族之爲義取柔順乎剛
不可以爲族。

傳曰旅焚其次亦以傷矣以旅與下其義喪也

傷者言无用而有損也。以旅與下者三爲內卦之
主。其在于旅則下二陰有所託而三无所託故也。
九四旅于處得其資斧我心不快

旅于處不常于所處也。資斧所以斷剛之象也。有
所處則剛德在我不常于所處則雖得之而不能
用。豈能快于心乎。

傳曰旅于處未得位也得其資斧心未快也

四之未得位猶夫三也

六五射雉一矢亡終以譽命

六五柔中順乎剛德有以一矢射雉而獲之之象。
雉耿介之鳥以喻剛也。一矢柔也順乎剛則不見。
有柔故一矢亡終能得所寄託而自安也。譽安其命
也。

傳曰終以譽命上逮也

逮及也命出于天能上而與天德相及則可以安

其命故曰上逮也。

上九鳥焚其巢。旅人先笑後號咷。喪牛于易凶。

鳥焚其巢。窮于上也。所據雖高。一旦而傾。所得雖大。忽然而喪。夫居天下之高位。而无以自託。其能久乎。凶可知矣。

傳曰。以旅在上。其義焚也。喪牛于易。終莫之聞也。終莫之聞。所謂其亡忽焉者也。

䷶ 巽上

巽下

欲得其所託。莫若順乎天德。故繼之以巽。

巽小亨利有攸往利見太人

巽者順從也。以柔從剛。得理之正。而但曰小亨者。始至焉。而未深入也。既曰亨。則有攸往而利矣。利見大人。所以愈進而從乎剛也。

傳曰重巽以申命。剛巽乎中正而志行。柔皆順乎剛。是以小亨利有攸往利見大人。

以申命三字衍文也。巽一陰初入于陽以

順乎天德為義其用至大。按易中諸卦无僅作一事用者。况于經卦之所重。而僅為發號施令之用乎。且細觀卦義。初與命令无與。蓋因大象之文而誤衍于此。或重巽之下更有他缺文。不可知也。

巽之為卦其深于剛柔之際乎。夫天下之道以剛

統柔以柔從剛者也。柔不從剛。則雖欲立而不能自植。欲行而不能自達。有終于柔而已。若所貴乎剛者。非貴其爲物之先首也。非貴其時至而不應也。則有所謂中正者。而非是亦無以爲剛焉。故柔不可以不從剛。剛不可以不中正。是皆天之命也。而其用惟在于巽。巽者入也。重巽者入焉。而无所違之謂也。入且无違。柔之順乎剛而所以爲巽者也。然非剛之中正。豈能責柔以必順哉。巽乎中正而剛之志行。剛之志行而後柔皆順乎剛。內巽而

外亦巽。是之謂重巽矣。經曰小亨柔之始從剛者也。利有攸往亨則可往也。利見大人進而益順乎剛柔之正也。巽之于剛柔之際微矣。

初六進退利武人之貞

初六有志于從剛而內懷猶豫。非所宜也。利武人之貞言能以果毅勝其畏慄則可矣。

傳曰進退志疑也利武人之貞志治也。

志疑志治者言事之定不定皆在于已之一心而非他志治則已知有剛矣。

九二巽在牀下用史巫紛若吉无咎

巽在牀下順之至也。用史巫紛若盡其誠以交于神明則我心之剛不至出入之无時而清明在躬矣。吉无咎。

傳曰紛若之吉得中也

二以積誠而存其剛故曰得中也

九三頻巽吝

剛不當位有所巽而忽去之以至于頻則其德之无恒可見矣。

此與恒卦九三其義可以互推

吝之道也

傳曰頻巽之吝志窮也

志窮者剛不足也。

六四悔亡田獲三品

六四以柔從剛。无復疑貳。悔亡者。其進退之悔亡也。田者。以人從禽之名。順而後獲者也。能以此心乎天德。而所獲不已多乎。

傳曰田獲三品有功也

九五貞吉悔亡无不利无初有終先庚三日後庚三日吉

九五以至剛之德而巽乎中正。故貞吉悔亡。无不利也。无初則不失之躁。有終則不失之不果。先庚三日有丁戊巳而不及甲乙丙。是无初也。事之未至。不敢先也。後庚三日歷辛壬而盡于癸。是有終也。事之已至。不敢不及也。其深入乎天德而合于時措之宜。如此吉何如乎。
无初初爻陰也。有終三爻陽也。五得其中。故爲此象。

傳曰九五之吉位正中也

上九巽在牀下喪其資斧貞凶

上九所處雖高。不得其正。而過爲貶損。以求合于
卑近。是自喪其所以裁制之本。而難免于凶矣。
傳曰。巽在牀下。上窮也。喪其資斧。正乎凶也。

剛過高而无所巽。故曰上窮也。

凡柔貴從剛。剛貴中正。此全易之要。指而巽卦
以一陰初順乎陽。柔之道于是得矣。而重巽之
卦有柔皆順剛之象。剛居九五。又有巽乎中正
之象。故彖辭傳因而備言之。實則巽義所重在
柔而經之利有攸往。亦指柔而言也。剛巽乎中
正。雖爻象所有此句。乃孔子補出而巽之理始
備。卦旣以柔爻爲主。故初與四不言巽。不待言
也。二與上言巽。明剛亦有巽也。五不言巽。剛
之巽至此極也。

兌下
兌上

能順乎剛則物情之所說也故繼之以兌

兌亨利貞

兌說也物相得而相好也物之相好不可以苟而已也故亨而利于貞

傳曰兌說也剛中而柔外說以利貞是以順乎天而應乎人說以先民民忘其勞說以犯難民忘其死說之大民勸矣哉

巽之柔伏于內用在剛兌之柔見于外用。用在柔用

在剛者固不離乎剛。用在柔者亦未始不以剛也。何則。兌之爲說。以有得于剛而後說者。也有得于剛而後說。故曰剛中而柔外。我與物之相說而惟出于外柔。則雖亨而不可爲也。經曰利貞非剛中而能得其正乎。剛中者信而已矣。天下之所公好也。說以利貞。說而本之以信。是以順乎天而應乎人。至于有勞有死而民莫不勸也。剛中柔外之道。豈不大哉。

初九和兌吉

初九以陽剛之德自處于卑下其无乖戾爭競之心而大遠于邪媚亦可見矣是爲和兌吉之道也傳曰和兌之吉行未疑也

行未疑者言初九之說述若過界而本于剛以是行之人不得而疑其非正是以吉也

九二孚兌吉悔亡

九二之兌本于誠信吉且悔亡者信不由中而相要以僞雖暫有歡悅之情而必隙于其後此悔之所由生也二則无是矣

傳曰孚兌之吉信志也

六三來兌凶

陰柔不能自立而求說于物以爲託身之策不知其義之不可也。謂之來兌其能免于凶乎。

傳曰來兌之凶位不當也

位不當者言人而求說則非其道矣。

九四商兌未寧介疾有喜

九四于外物之來。四初交外體不爲苟說而必酌其是非。可否謂之商兌曰未寧者其所商不一而足也。

蓋剛德之能自持如此。則外誘之病我者。皆自是銷除而喜可知矣。介疾謂外誘也。介猶介居之介。謂柔之乘剛也。傳曰九四之喜有慶也。

九五孚于剝有厲

九五雖居尊位而正當毀折之地。兌為毀折而五鄰于吐之柔。

孚于剝者誠已盡也。誠已盡則雖有所說而天下

之心亦將散矣。當此之時不知其危可乎。孚于剝正與二

之孚兌相反

傳曰孚于剝位正當也

位正當者五之所處適當說極而將衰之時也

上六引兌


上六當已過未來之際其時不能致說而有與物

相引之端六竅見于上故曰引兌按經卦兌取義于說本以柔之有得于

剛然在本卦則三上兩柔俱不得其位故易別取義

傳曰上六引兌未光也

未光者以說引人非光明之事也



坎下說之情不可不出于公故繼之以渙

渙亨王假有廟利涉大川利貞

渙散也散天下之不一以合于一故亨王假有廟

王者布政施令必于祖禰之廟故
曰王假有廟與萃卦所言不同渙有統也利涉

大川險之平也其事鉅而效難故利貞

傳曰渙亨剛來而不窮柔得位乎外而上同王假有廟王乃在中也利涉大川乘木有功也

渙者散也物之自散者以私滅公而紛紛而不一

渙之爲言則散天下之不一以合于至一故亨也
至一者何陽德之所在是也卦坎內而巽外坎在

內而得其通。說卦傳曰：次爲通。故曰剛來而不窮險之所
以可平也。巽在外而順乎剛，故曰柔得位乎外而
上同剛之志，于是乎行也。且所惡于不渙爲其不
知陽德之所在也。五官百骸不自用而聽于心，羣
生庶類不自用而聽于王，天之理也。王假有廟，王
乃在中者，惟王者一其心以一天下之心，故天下
之至不一皆可得而合也。利涉大川，乘木有功者，
奉陽德以爲統，故能出乎天下之至險。不然者，將
覆溺是懼而遑言渙乎？臨之以至正，要之以可久。

如經所謂利貞則庶幾矣。

傳不釋利貞蓋闕文也周易玩辭云石經利涉

大川之下有

利貞二字

初六用拯馬壯吉

初六陰凝處險之下世之所以不渙者以是物也。于此而急除之。无使滋蔓則吉。

傳曰初六之吉順也。

救患于方萌其勢順也。

九二渙奔其机悔亡

机宜作軌車之持衡而所以行者也。渙而无主則。

不知其所歸。九二剛中爲主于渙。猶車之奔而不離乎軌。故散者有所統而悔亡矣。

傳曰渙奔其杭得願也。

得願者言剛中之德能得天下之心也。

六三渙其躬无悔。

三亦陰凝而當險之已出。釋其所固有者以從于渙。能順乎時。斯免乎悔矣。

傳曰渙其躬志在外也。

志在外者見化于陽而心不安于陷溺也。

六四渙其羣元吉渙有丘匪夷所思

六四諸陰已盡故爲渙其羣之象夫陰盡則陽純是渙之功成矣大吉之道也又六四于諸陰爲最高如丘山然今已渙之則天下无足慮者矣匪夷所思所謂始願不及此者幸之之辭也

傳曰渙其羣元吉光大也

光大謂陰盡也无闇昧

巽之一陰已渙也

故曰光无險阻

坎之二陰已渙也

故曰大

九五渙汗其大號渙王居无咎

九五之世。八荒洞然。德化之行。由中達外。而訓
告播于四海。大號。渙王居所謂北辰居其所而衆星
共之也。何咎之有。

傳曰王居无咎正位也

正位者中天下而立。王假有廟之謂也。

上九渙其血。去逖出无咎。

去逖出三字宜作衍文蓋因小畜四爻之辭而誤增

又訛惕爲逖耳

血陰之伏而无所不在者也。惟預有以渙之。則能
遠其害而不至復入于險。故无咎。

傳曰渙其血遠害也

孔穎達云渙者散釋之名其說是也蓋天下禍難連結王者出而平定之則謂之渙故散非天下之自散乃王者散之也渙如東風解凍之意方爲得之

兌下坎上

渙則天下可得而一矣天下未定道在有以一之
既定道在有以平之故繼之以節

節亨苦節不可貞

節裁也裁物之太過以歸于中正則亨矣然不過以持天下之平而已若復失之太過物將无以自

存亦非中正之道故苦節不可貞。

傳曰節亨剛柔分而剛得中苦節不可貞其道窮也說以行險當位以節中正以通天地節而四時成節以制度不傷財不害民

節者平天下之道也物至不齊也而莫不有一定之則節爲卦兌居下而坎居上剛柔分也九五正位于外剛得中也剛柔分萬物不齊之象也剛得中一定之則之象也如是則亨矣欲其弗過于則而已節之而過其則非所以爲亨也故曰苦節不

可貞其道窮也。節而出于苦與窮。非說以行險之義矣。知說而不知險。不可以節行險。而不以說亦不可以節險者。節之不可犯也。說者。節之可受也。當位以節。則不可犯。中正以通。則可受。說以行險。平天下之道。无過于此。且成四時者。天地之節也。以制其度。而不傷財害民。王者之節也。節之用。詎不大哉。

初九不出戶庭。无咎。

節者。用世之事。初雖陽德而在下。不出戶庭。以自。

守爲節而當其時之可也故无咎

初二兩爻居說體故皆不能節

傳曰不出戶庭知通塞也

知通塞則知行止之節而免于咎

九二不出門庭凶

門亦戶也二已得位乃亦安于說體而效初之所爲視同室之鬪等于鄉鄰天下亦何賴焉凶可知矣

傳曰不出門庭凶失時極也

失時極者言陰縱于前而不能節。失其可爲之時。爲已極也。

六三不節若則嗟若无咎

三以柔居說之極。流蕩忘反而不知自節者也。苟无以制之。則其害未有旣而嗟悔繼之矣。復誰咎乎。

傳曰不節之嗟又誰咎也

六四安節亨

六四以陰受節于陽。安者頽然待命。无復縱弛之

意。其所以亨者。安處善而樂循理也。

傳曰安節之亨承上道也。

上謂剛也。

九五甘節吉往有尚。

剛德中正。物所受裁。與天下以不可過之則。而莫不以爲當然。則亦美之至矣。故曰甘節如是則吉往而可以成務矣。

傳曰甘節之吉居位中也。

位謂天則也。言五之節適當天則之中。而非張皇。

潤色以爲甘者也

上六苦節貞凶悔亡

上六窮陰制之太過則失其平而物不能受故曰
苦節貞凶然過高之陰能有以制之亦所以亡其
悔者也

傳曰苦節貞凶其道窮也

兌下
巽上

平天下者當自實其心之天德故繼之以中孚

中孚豚魚吉利涉大川利貞

中孚天德之不貳者也。豚魚吉。體之實也。利涉大川。用之虛也。利貞者。天命不已也。

傳曰中孚柔在內而剛得中。說而巽孚乃化邦也。豚魚吉。信及豚魚也。利涉大川。乘木舟虛也。中孚以利貞乃應乎天也。

中孚天德也。天德以剛爲用。而不以柔爲用。故其卦柔在內而剛得中。柔在內。人心不妄動也。剛得中。道心以爲主也。人心不妄動。說之正也。道心以爲主。巽之極也。說而巽。古之以德化天下者以之。

故曰孚乃化邦也。天德實于內。則聞見泯于外。欲其渾然如豚魚之无知。則吉。信及豚魚。及猶實之也。至也。惟至實。乃能至虛。故有是德者。則易可以知險。而簡可以知阻。利涉大川。虛之至也。實且虛者。天命也。所謂以剛爲用者也。維天之命。於穆不已。中孚而不以利貞。其何以應乎天。而自立其不已之命哉。

初九虞吉。有他。不燕。

初九。天德之根。未接于物。但能安其本。然則吉。虞。

之爲言安也

虞訓安經傳多有此解

假使牽于外誘而有他

物以間之則離其本然而不安矣

燕亦安也

傳曰初九虞吉志未變也

變猶動也志未動者乃中孚之本然也

九二鳴鶴在陰其子和之我有好爵吾與爾靡之

鳴鶴在陰其子和之言所感同也我有好爵吾與

爾靡之言所欲同也所感之同由于所欲之同可

見天下之无兩心而人心之不外一誠矣二當說

體之中故其象如此也

傳曰其子和之中心願也

願志之動而有欲者也以其出于天命之公故曰
中心願也

六三得敵或鼓或罷或泣或歌

六三于外誘之來相持而不能下進則鼓退則罷
不足則泣有餘則歌其天真之喪而中之不實可
見矣

傳曰或鼓或罷位不當也

三說形于外而動不以天故曰位不當也

六四月幾望馬匹亡无咎

六四體柔而順乎剛

順者

月幾望蓄于內者厚也

馬匹亡馳于外者息也所以固其天真者如此其免于咎不亦宜乎

傳曰馬匹亡絕類上也

絕類上者四能自絕于柔而上句以順乎剛也

九五有孚攣如无咎

九五正當天德之位有孚攣如言其中之充實也

既有是德則不難于濟世而化民故无咎

彖辭之豚魚吉

傳之孚乃化
邦皆指此爻

傳曰有孚攣如位正當也

上九翰音登于天貞凶

上九離于中而爲過高之舉。如羽族飛鳴。乘風而
上。虛幻之景。理所不容。凶何疑焉。

傳曰翰音登于天何可長也

三三艮下
三三震上

實其天德者。不可以私意間之。故繼之以小過。

小過亨利貞可小事不可大事飛鳥遺之音不宜上

宜下大吉

小過者意之動也。心大而意小。心同體于天。无有終始。意則以時起滅。故曰小而過則亨。過猶常言。過去過來。之過亦有过甚。利貞意之動不可不正也。有意故之義。然非所重。可小事。非无心。故不可大。事事之爲言。猶用也。飛鳥遺之音。意之動于心。猶鳥之鳴于空。可過而不。可留也。不宜上。宜下。意動則害于心。不動。震于上而止。艮于下。斯吉之大者矣。

傳曰小過

卦名下當有亨字

小者過而亨也。過以利貞。與時

行也柔得中是以小事吉也

舉正以字下有可剛失字事字下无吉字

位而不中是以不可大事也有飛鳥之象焉飛鳥遺之音不宜上宜下大吉上逆而下順也

心不可不存中孚是也意不可存小過是也意者心之動而人之所不能无君子與其過而已過而亨言過而後亨也且小者之過尤不可以不正正則過其所當過而毋過其所不當過故曰過以利貞與時行也所謂時者柔之得中也柔得中而止其所故可小事柔與剛不竝立柔得中則剛失位

剛失位而不中。故不可大事。柔者意之端也。剛者
心之體也。有飛鳥之象焉。意動而心自若也。飛鳥
遺之音。意過而心不留也。其爲卦下艮上震。艮之
止以象心也。震之動以象意也。故動于止則順。動
于動則逆。經曰不宜上宜下。大吉。上下之間其吉
凶順逆較然明矣。故君子于中孚見心之當正。于
小過見意之當誠。

初六飛鳥以凶

居最下之地。處當止之時。乃无端鬱然以起。遂致

周易正義
卷四
太清之塵。滓兩間之多事。飛鳥以凶不祥之甚也。
傳曰。飛鳥以凶不可如何也。

六二過其祖。遇其妣。不及其君。遇其臣。无咎。

六二柔而得中。過其祖。遇其妣。不及其君。遇其臣。能安于所止。而自處以下。如此何咎之有。過之言。逆而遇之言。順也。
祖初之象。君三之象。妣與臣皆謂二也。此爻象辭所謂可小

者事

傳曰。不及其君。臣不可過也。

臣不可過者。不敢以意之發而侵其心也。

九三弗過防之從或戕之凶

弗過防之過者柔也。三以止爲德。弗過而防。柔之過可也。然剛而不中。際柔之盛。防之者未必堅。而戕之者從其後。其凶爲何如矣。

傳曰從或戕之凶如何也

九四无咎弗過遇之往厲必戒勿用永貞

四居震體之下。動而不極。免于咎矣。弗過而與物相遇可也。往則失其在我而可危。以是爲戒。亦自守之道也。然身秉陽剛之德。宜有以立天下之命。

豈可僅足于自守而永貞是用乎。

傳曰弗過遇之位不當也往厲必戒終不可長也。四雖无咎而失中故曰位不當也終不可長言有陽德而自安于无能爲則彼之妄動者益不可得而制矣豈所宜哉。

六五密雲不雨自我西郊公弋取彼在穴

密雲不雨上于高而弗散自我西郊動于遠而不止皆言其已甚也夫已甚而尚曰小過乎公弋取彼在穴也公心之象也穴空也彼空中之物宜急去之

而已。

傳曰密雲不雨已上也

已上者不宜上而反上也


上六弗遇過之飛鳥離之凶是謂災眚

陰極于上動而不已无所遇而徑過之則逆之至而不順之極也因其所欲飛越四散靡所底止其凶甚矣夫以不宜在上之物而犯分妄作至于此極乃所謂自作孽不可逭者是謂災眚言豈待殃眚之已及而始知其必敗哉

傳曰弗遇過之已亢也

已亢者言上之所爲不得謂之小過而將有所不容也。

小過一卦先儒既不察與中孚反對之實義動與大過相提並論又不知大象乃孔子之特筆而附會行過乎恭三句以發明彖辭爻辭以是爲說卒无一當彖辭傳曰小者過而亨也蓋此卦陰柔得用凡陰柔之爲用可暫而不可常故欲其過而不留則亨在中心爲意在天下爲小此卦用之不可无者皆用之可暫而不可常者重此卦之所以有小過也至彖爻之辭則以意爲



離下
坎上

天德純則剛柔之位當而天下治矣故繼之以既濟

既濟亨小利貞初吉終亂

亨小

既濟剛柔定也亨小者柔定而後濟故以小之亨爲驗而猶利于貞也初吉者未濟之終終亂者未濟之始其間謂之既濟爾可不謹哉

傳曰既濟亨

舉正下
有小字

小者亨也利貞剛柔正而位當

也初吉柔得中也終止則亂其道窮也

剛得中謂之中孚柔得中謂之小過剛柔之分

去聲

也。然。則。剛。柔。定。而。天。下。定。矣。此。既。濟。之。所。以。爲。既。濟。也。天。下。至。不。易。定。者。柔。也。然。則。柔。定。而。天。下。无。不。定。矣。故。曰。既。濟。亨。小。者。亨。也。剛。柔。有。其。分。故。有。其。位。剛。正。位。乎。上。柔。正。位。乎。下。而。剛。柔。定。剛。柔。定。者。剛。柔。正。而。位。當。也。此。經。之。所。謂。利。貞。也。亨。小。則。既。濟。矣。而。經。又。曰。利。貞。小。者。亨。而。位。不。當。猶。未。濟。也。小。者。亨。而。位。當。則。吉。矣。經。曰。初。吉。柔。得。中。也。柔。之。得。中。以。剛。之。正。位。于。上。有。以。使。之。使。剛。之。德。有。時。而。衰。則。天。下。之。事。不。可。爲。矣。終。止。則。亂。其。道。

窮也。不能无。止則不能无。亂豈非道之必然哉。故利貞者。君子所以守既濟也。

初九曳其輪濡其尾无咎

方濟之初。事容有未可知者。曳其輪不欲見利而輕進也。既不輕進。則我之濟雖獨後可矣。有剛德者。其思所以免于咎乎。

傳曰曳其輪義无咎也

六二婦喪其茀勿逐七日得

茀婦人之車所以蔽前後者。舊說以茀爲首飾誤車无茀則

不可行。喪之而勿逐。待其自得于七日之後。其能安柔下之分。而不急于自行。亦可謂得其正矣。

傳曰七日得以中道也

九三高宗伐鬼方三年克之小人勿用

九三處既濟之時而好大喜功。頓兵于絕遠之地。

夫三年而後克。則其傷財害民。爲患鉅矣。非信任不當。何以致此。故言小人勿用以深明亂本也。

小人

勿用非謂既克之後也

傳曰三年克之億也

六四繻有衣袽終日戒

王輔嗣白繻宜作濡

亂。伏。于。治。天。下。之。險。无。踰。此。者。繻。有。衣。袽。終。日。戒。不。以。安。流。而。一。息。忘。其。覆。溺。之。懼。則。所。以。保。濟。者。必。有。道。矣。

傳曰終日戒有所疑也

有所疑者疑禍難之將至也。

九五東鄰殺牛不如西鄰之禴祭實受其福

時至九五濟之至矣東者時之始西者時之成東鄰殺牛不如西鄰之禴祭實受其福言能積德以

待。時。則。用。力。少。而。成。功。多。也。以。力。求。濟。可。乎。

傳曰東鄰殺牛不如西鄰之時也實受其福吉大來也

濟。以。時。爲。本。故。曰。不。如。西。鄰。之。時。也。

上六濡其首厲

既濟之終亂端已見爲濡其首之象首既濡則馴至于身之胥溺理有然者不可不知其危也。

傳曰濡其首厲何可久也

何可久者言柔而在上則濟難久故危之也

三 坎下
離上

剛柔不當其位。則亂所由生。而不可无以治之也。
故繼之以未濟終焉。

未濟亨。小狐汔濟。濡其尾。无攸利。

未濟而曰亨者。剛柔不當位。而有相爲用之道也。
位不當。則終于不能濟。故曰小狐汔濟。濡其尾。无攸利。

傳曰。未濟亨。柔得中也。小狐汔濟。未出中也。濡其尾。无攸利。不續終也。雖不當位。剛柔應也。

天下之治亂若循環然其大端不過剛柔之勝負而已剛柔正而位當則爲既濟剛柔雖正而位不當則爲未濟坎離皆剛柔之正者夫亂豈在大哉聖人謹其始也故既濟之志在防亂未濟之志在救亂未濟而曰亨者亦以柔之得中云爾柔之得中猶愈夫羣柔也柔在上而得中剛未出中小狐謂坎之而終陷于下則剛德之衰也此未濟之所中爻也

以爲未濟也夫以坎離剛柔之正而位一不當不可以濟濟豈易言乎然剛之正足以用柔柔之正

足。以。承。剛。濟。雖。未。也。而。相。爲。應。濟。有。日。矣。故。曰。救。
亂。也。聖。人。之。于。剛。柔。不。與。其。當。位。則。與。其。相。應。而。
終。于。未。濟。焉。者。所。以。伸。剛。德。于。天。下。之。上。而。順。性。
命。之。理。也。

初六濡其尾吝

初六陷而在下、不能自拔、濡其尾則身之淪胥可
知吝之道也

傳曰濡其尾亦不知極也

熊氏謂極宜作
拯其說近是

九二曳其輪貞吉

九二內懷陽德。不以所遇之坎軻而枉道以求濟。貞而吉矣。按既濟于象言貞而未濟于爻。屢言貞此未濟本不正之故。

傳曰九二貞吉中以行正也。

中謂曳其輪也。正謂貞也。

六三未濟征凶利涉大川。

六三險陷已極。乃卦之所以爲未濟者。故曰未濟。征凶言不可以更有所往矣。利涉大川未詳其義。

蓋上缺一不字或衍文也。

傳曰未濟征凶位不當也。

三處未濟而自安于陷故曰位不當也

九四貞吉悔亡震用伐鬼方三年有賞于大國

四以剛德處未濟之時能得其正則吉而悔亡所謂正者見可而進也震用伐鬼方言離暗向明之初若能奮發有爲掃除幽隱則計日而可以觀其後效矣

按鬼方指坎險而言既濟坎在外故言于九三未濟坎在內故言于九四

傳曰貞吉悔亡志行也

處未濟之時而剛足以用故曰志行也

六五貞吉无悔君子之光有孚吉

六五時雖未濟而能麗乎中正。以爲文明之主。吉。而无悔矣。君子尊者之稱。居尊不患于无光。然必出乎至誠。乃有動物之效。而幾于濟。故吉。

傳曰君子之光其暉吉也。

暉者光之動也。光盛則能動矣。

上九有孚。

句

于飲酒无咎。濡其首有孚。失是。

上九有剛德之實。故曰有孚。旣實有是剛德。而處未濟之終。則非險之所能害也。酒雖溺人之物。猶爲險之微者。故曰于飲酒无咎。若以酒爲可忽。而

遂爲其所陷。濡其首則并在我之剛德而失之矣。可不謹哉。

傳曰飲酒濡首亦不知節也